



ԲՆԱԴԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍԱԿԱՆ ՄԱՐՄՆԻ ՏԱՎՈՒՇԻ ՏԱՐԱԾՔԱՅԻՆ
ԲԱԺԻՆ

Ո Ր Ո Շ ՈՒ Մ № 08/094/21-ՎՏ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

06.08.2021 թվական

քաղաք Իջևան

Բնապահպանության և ընդերքի տեսչական մարմնի Տավուշի տարածքային բաժնի պետ Դավիթ Խառապյանս, քննության առնելով Արայիկ Հրանտի Ղայթմազյանի կողմից թույլ տրված վարչական իրավախախտման վերաբերյալ նյութերը՝

Պ Ա Ր Զ Ե Ց Ի

2021 թվականի հուլիսի 22-ին «Դիլիջան ԱՊ» ՊՈԱԿ-ից ստացվել է ա.թ. հուլիսի 13-ին կազմված թիվ 036 անտառխախտման արձանագրությունը, համաձայն որի Տավուշի մարզի Դիլիջան քաղաքի բնակիչ Արայիկ Հրանտի Ղայթմազյանը Շամախյան մասնաճյուղի թիվ 5 պահարանի թիվ 24 քառակուսու տարածքում ապօրինի զավթել է 0,016 հա մակերեսով տարածք:

ԲԸՏՄ Տավուշի տարածքային բաժնում հարուցվել է վարչական վարույթ, գործի քննությունը նշանակվել է 2021 թվականի օգոստոսի 06-ին, ժամը 12.00-ին, ինչի վերաբերյալ Ա.Ղայթմազյանը պատշաճ ծանուցվել է, սակայն չի ներկայացել և գործի քննությունը հետաձգելու միջնորդություն չի ներկայացրել: Իրականացված զննությամբ և կատարված թիվ 308 վնասի հաշվարկով, տարածքում կատարվել է 136 քառ.մ. մակերեսով հողահարթեցման աշխատանքներ, որի հետևանքով առաջացել է հողի դեգրադացիա, ինչի հետևանքով բնությանը պատճառվել է 287.150 ՀՀ դրամի նյութական վնաս:


Վարչական իրավախախտման գործի քննությամբ հիմնավորվել է, որ Արայիկ Հրանտի Ղայթմազյանը անտառային հող հանդիսացող տարածքը ինքնակամ զավթելով և հողահարթեցման աշխատանքներ կատարելով թույլ է տվել Հայաստանի Հանրապետության անտառային օրենսգրքի 60-րդ հոդվածի 1-ին մասի «ը» կետով նախատեսված անտառային օրենսդրության խախտում, այն է՝ անտառային հողերն առանց թույլտվության օգտագործելը, այդ հողերում ծառերն ու թփերն արմատախիլ անելը, ճանապարհների, խողովակաշարերի, շենքերի և շինությունների կառուցումը, հանքերի շահագործումը, բնափայտի մթերումը և այլ նպատակներով օգտագործումը, անտառային տարածքներն ինքնակամ զավթելը, որի համար նախատեսված է վարչական պատասխանատվություն՝ Վարչական իրավախախտումների վերաբերյալ Հայաստանի Հանրապետության օրենսգրքի 64 հոդվածով սահմանված սանկցիայով: Անտառային հողերն առանց պատշաճ թույլտվության օգտագործելը, շենքերի կառուցման, բնափայտի մշակման, պահեստների կառուցման և այլ նպատակներով օգտագործման անտառային տարածքներն ինքնակամ զավթելը և դրանք ըստ պատկանելության չվերադարձնելը/ Ա.Ղայթմազյանի արարքը հիմնավորվել թիվ 036 անտառխախտման արձանագրությունով, վարչական իրավախախտման վերաբերյալ թիվ 08-086 արձանագրությունով, թիվ 308 վնասի հաշվարկով և այլ փաստական հանգամանքներով:

Ելնելով վերոգրյալից և ղեկավարվելով Հայաստանի Հանրապետության Վարչական իրավախախտումների վերաբերյալ օրենսգրքի 37 հոդվածի 1-ին մասով, 64-րդ և 242-րդ հոդվածներով՝

Ո Ր Ո Շ Ե Ց Ի

1. Արայիկ Հրանտի Ղայթմազյանի նկատմամբ նշանակել վարչական տուգանք՝ սահմանված նվազագույն աշխատավարձի հարյուրապատիկի չափով՝ 100.000 (հարյուր հազար) Հայաստանի Հանրապետության դրամ:
2. Սույն որոշումն օրինական ուժի մեջ է մտնում Արայիկ Հրանտի Ղայթմազյանին հանձնելու/հանձնված լինելու/ հաջորդող օրվանից:
3. Սույն որոշումը կարող է բողոքարկվել վերադասության կարգով՝ տեսչական մարմնի ղեկավարին կամ դատական կարգով՝ Հայաստանի Հանրապետության Վարչական դատարան՝ որոշումը հանձնելու (հանձնված համարվելու) հաջորդող օրվանից հետո՝ մեկամսյա ժամկետում:
4. Որոշման օրինական ուժի մեջ մտնելու պահից մեկամսյա ժամկետում վերջինս չբողոքարկվելու դեպքում այն դառնում է անբողոքարկելի և ենթակա է հարկադիր կատարման:
5. Սույն որոշմամբ սահմանված տուգանքը վճարել Հայաստանի Հանրապետության պետական բյուջե՝ 900005024063 հաշվին:

Բաժնի պետ՝



Դ.Խառնադյան

